

CUSSEGL GROND

Sessiun d'october 2022

Dumonda Gredig concernent la liberaziun da la taglia da traffic per vehichels dal traffic public

Per vehichels a motor ch'èn immatriculads en il Grischun èsi da pajar mintga onn ina taglia da traffic. Suenter la deducziun dals custs da l'Uffizi per il traffic sin via vegnan questas entradas fiscalas dabun a la finanziaziun speziala Vias. Exceptads da l'obligaziun da pajar taglia èn mo ils vehichels dal chantun, da las organisaziuns a glisch blaua sco er da las persunas cun in impediment.

Betg exceptads n'èn ils vehichels dal traffic public. Per ils bus da lingia sco er per ils vehichels da servetsch da las interpresas da transport public ston vegnir pajadas taglias da traffic. Il traffic public sin via è d'interess public e gida essenzialmain a reducir il dumber da vehichels sin la rait da vias. Per quest motiv libereschon ils blers chantuns ils vehichels dal traffic public da la taglia da traffic, uschia p.ex. ils chantuns da la Svizra Orientala Son Gagl, Turgovia e Schaffusa.

Las interpresas da transport pon bain metter a quint questas taglias da traffic numnadas al chantun sco empustader dal traffic public regional. Quai chaschuna dentant custs supplementars inutils ed ina redistribuziun dals daners da la promoziun dal traffic public a la finanziaziun speziala Vias. Ultra da quai restan questas taglias per las vischnancas cun bus locals u per las destinaziuns turisticas cun bus da skis e da viandar. Il chantun na sa participescha numnadain betg a la finanziaziun da questas purschidas.

Sut quest aspect vulessan las sutsegnadras ed ils sutsegnaders perquai savair il suandant da la Regenza:

1. Quant aut è l'import total che vegn pajà mintga onn per vehichels dal traffic public sco taglia da traffic?
2. È la Regenza er da l'opiniun, ch'il traffic public sin via gidia a reducir il dumber da vehichels sin las vias?
3. Èsi raschunaivel sut quest aspect, ch'i ston vegnir pajadas taglias da traffic per ils vehichels dal traffic public?
4. Datti ina pussaivladad – cun las basas giuridicas vertentas – da liberar ils vehichels dal traffic public da la taglia da traffic, sco che quai vegn pratigà en ils auters chantuns da la Svizra Orientala?

Cuira, ils 19 d'october 2022

Gredig, Bergamin, Perl, Atanes, Bardill, Baselgia, Bavier, Biert, Bischof, Bisculm Jörg, Bleuler-Jenny, Cahenzli-Philipp (Vaz Sut), Dietrich, Gartmann-Albin, Hoch, Kaiser, Kreiliger, Maissen, Mazzetta, Müller, Nicolay, Pfäffli, Preisig, Rageth, Rettich, Rusch Nigg, Rutishauser, Said Bucher, Schneider, von Ballmoos, Walser, Widmer, Wilhelm